

## Giorgio e Caterina.

## CANZONE XXIX.

Catlinna, fin a quand  
 Aine da stè penand  
 Con me cheur afanà,  
 Con me cheur afanà?  
 I son continuament  
 Ponsù da un cert torment,  
 Ch' i seu pa cosa ch' a sia,  
 Cosa ch' a sia,  
 Ch' a m' rend bel e brovà,  
 Ch' a m' rend bel e brovà.  
 S' i guardo i to bei eui  
 I vad an breu d' faseui,  
 Stupi com' un oloch 2  
 S' i buco coul bochin,  
 (Oidè mi povrin!)  
 I perdo la parola,  
 La parola,  
 Ch' i smio un barbabocho. 2  
 Coul mostassin tant bel,  
 Ch' a l' ha tra carn e pel  
 La fior del lait e vin; 2  
 Dont elo coul pitor  
 Con tuti i so color,  
 Ch' a veuja desse d' arie,  
 Desse d' arie,  
 A fè un ritrat pi fin? 2  
 Coul to parlè grassios,  
 Coul trat tant manieras,  
 E coul umor bisar, 2  
 Tra tut m' ha carpionà,

- O pr mei di anfnojà,  
 Ch' a venta ch' i t' adora,  
 Ch' i t' adora,  
 Pr me cheurin pi car. 2
- Coul spiritin ch' i t' as,  
 Oh! coul li si si ch' a m' pias,  
 Ch' i peus pa dite tant, 2  
 Con coul gentil descors,  
 I t' ancantrie j' ors,  
 I such, e fin le pere,  
 Fin le pere;  
 Si date pur coul vant. 2
- Bagianna, veuime bin,  
 Ch' a t' costa pa un quattrin,  
 E gnanch un doidnè d' pi; 2  
 I t' ampromat sul pat,  
 Ch' i t' sareu nen ingrat,  
 T' avras pa da pentite,  
 Da pentite,  
 Nè lamentete d' mi. 2
- I t' m' trovras sincer,  
 Costant, e dur com' fer  
 An tute j' occasion; 2  
 Fa pur l' esperiment,  
 E peui ten bin da ment,  
 E s' i digh la busia,  
 La busia,  
 Sbergeirme con d' sgrognon. 2
- Cherdme pur, me bel giojin,  
 Ch' i t' veui tuta inia bin,  
 E peui ancor un toch. 2  
 E chi conos to umor,  
 S' a t' buta nen amor,  
 Venta bin di ch' a l' abia,  
 Di ch' a l' abia  
 Un spirit da massoch. 2

- Di ch' i son un savat,  
 S' i m' buto pa a ghisa d' gat  
 Pr fete servitù,  
 Tant com' i son portà  
 Da bonna volontà  
 Vers ti, me rancafidigh,  
 Rancafidigh,  
 Quand a m' costeis l' mnù.
- T' avrie tuti i tort,  
 Pr ditla pian e fort,  
 S' i t' m' burleisse ancor.  
 Ma cosa i m' pijne sgiai?  
 No no ch' i cherdreu mai  
 Ch' a s' peussa di ch' i t' abie,  
 Di ch' i t' abie  
 Un cheur tant traditor.
- T' avras cinquanta amis,  
 E tuit a t' sarà vis  
 Ch' a t' veujo na gran bin,  
 Ma un cheur parei del me,  
 I t' as bel di e bel fè,  
 Ti t' peule pa trovelo,  
 Pa trovelò,  
 Lontan da sti confin.
- O via, tocla li,  
 Arvedse un autr di;  
 Mantente 'l cheur giojos,  
 E buta nen an stat  
 To Giors a diventè mat,  
 O cara mia Catlinna,  
 Mia Catlinna,  
 Loli saria ontos.